



Reto Mathis, il president dals events culinars dal Gourmet Festival, fa ina bilantscha positiva da l'edizun da giubileum.



A la Corviglia han ils giasts cuschiniers betg mo giudi las tratgas finas, mabain er la vista magnifica.

FOTOS SWISS-IMAGE.CH A. METTLER

# L'emna per mangiabains è a fin

San Murezzan: il 20. Gourmet Festival è istorgia

DA GION NUTEGN STGIER / ANR

■ Er quest onn èn ils mangiabains vegnids en rotscha al Gourmet Festival a San Murezzan e conturn. Passa 4000 giasts han laschè gustar las tratgas exclusivas dals nov cuschiniers internaziunals. Il 2014 ha l'occurrènz lieu in'emna pli tard e cun novs impuls. L'edizun da giubileum dal Gourmet Festival en l'Engiadin'Ota è stada in success. Ils organisaturs cun lur president *Reto Mathis* fan ina bilantscha positiva. Mangià e bavi bain vegn anc adina e nus essan satisfats da l'interess per l'occurrènz, communitgeschan ils organisaturs. Passa 4000 persunas haja l'event attratg en ils hotels e restaurants da luxus, da Segl fin Puntraschigna, scrivian ils umens e las dunnas che segnan per l'organiziun dal Gourmet Festival. Quest onn è quel stà anc pli glamurus ch'ils ultims onns cun esser la 20. edizun da l'emna per mangiabains. Cuntents cun la participaziun e cunzunt er cun tut quai ch'ils cuschiniers han mess sin maisa è er Reto Mathis, il president da las occurrenz culinaras dal Gourmet Festival. El è dal reminent er l'um che ha ils buns contacts tar las cuschinieras ed ils cuschiniers da num e pum da l'entir mund. Quest onn

è il Gourmet Festival stà anc pli internaziunal cun esser da la partida in cuschinunz da l'Asia ed in dals Stadis Unids da l'America.

## Er ord vista economica ina buna chausa

Las radund 40 occurrenz culinaras èn stadas occupadas fitg bain. Tar tuttas occurrenz saja er l'atmosfera stada adina fitg buna, quai segir er cun esser ina edizun da giubileum dal Gourmet Festival. Particular è tar quel festival per mangiabains segir er che gourmets, directurs, cuschiniers e cameriers èn per quels tschintg dis ina famiglia. Natiralmain che durant l'emna culinara vegn er dà gronda paisa a la cumpagnia ed als barats amiaivels. Cun attrer l'occurrènz culinara tantas persunas è quella er da la vista economica ina chausa da gronda impurtanza per la regiun. Bliers dals visitaders dal Gourmet Festival han per quels dis dimora en in u l'auter hotel da luxus a San Murezzan e conturn.

## Danovamain bliers giasts svizzers

Cuschinà è vegnì sin in nivel fitg aut e nagin tema en stads ils pretschs cun strusch avair s'accurschi il Gourmet Festival

l'euro bas ubain la crisa economica. Cun esser bunamain 70% dals giasts che han giudi las delicatessas persunas da la Svizra èn quai facturs secundars. Vesi han ins dentant quest onn er bliers persunas da la regiun ad ina u l'autra occurrènz culinara. Stads da la partida èn dentant quest onn er bliers anteriurs cuschinunz ch'èn ina giada sezs stads ospitants tar il Gourmet Festival. Tut en tut en quai en 20 onns tuttina 173 cuschiniers da 30 nazions. Bunamain mintga event gastronomic è sta in punct culminant e cunzunt la parti d'avertura en l'hotel «Kempinski», la enconuschenta «Kichen Party» en l'hotel «Palace» e lura il grond final venderdi saira cun in diner da gala en l'hotel «Carlton», quellas trais occurrenz han dà a l'edizun da giubileum il dretg bul. Tar quella saira ha er gi lieu la rangaziun da la concorrenza dal meglier talent cuschinier emprendist da l'Engiadin'Ota e quest onn è quai *Balz Coray* da l'hotel «Sartz», Puntraschigna. Il 2014 cumenza il Gourmet Festival ils 3 da favrer e cuzza fin ils 7 da favrer. Cun quai ha quel lieu in'emna pli tard ed ils organisaturs vulan ir sur ils cudeschs per dar a l'occurrènz culinara nova vita. Anc èn dentant nagins detagls enconuschents.



La saira da schampagn ha gi lieu en ina da las salas noblas da l'hotel «Suvretta» a San Murezzan.



Paran tuts dad esser cuntents cun il Gourmet Festival 2013. Ina gruppa cuschinieras e cuschiniers da l'hotel «Palace», l'enconuschent hotel da San Murezzan.